

Nam fundamentum primum magis attendi debet quam secundarium, seu fundamentum denominationis DEI intrinsecum καὶ αὐτὸ proprium, & inseparabile, primum est, & magis attendi debet, quam fundamentum extrinsecum commune, separabile, κατ' ἄλλο & secundarium. Illud Ε. λόγῳ magis convenit, quam hoc. Quia revelatio voluntatis Divinæ non notat Essentiale quid λόγῳ DEI, sed esse quoddam accidentale & extrinsecum. Generatio vero ejusdem à Patre æterna ipsum λόγῳ substantiale esse notat. Et sic utroque modo Filius DEI dicitur respectu æternæ Generationis κατ' ἑσω ad intra; respectu v. revelationis voluntatis Divinæ καὶ ἔξω quoad extra. 3. Generatio λόγῳ DEI hyperphysica convenit cum Generatione λόγῳ nostri sc. ἐν Διαθέσει non autem παρορμηκῶς (Pater enim est in Filio & Filius in Patre sc. per Essentialem περιχώρησιν seu permeationem) 1. quâ originem, nam sicut λόγῳ noster internus, ratiocinatio & discursus noster à mente nostra nascitur in eaque & manet; Ita & λόγῳ Dei i. e. Filius Dei à Patre ab æterno genitus est Ps. 11. 7. Filius meus es tu, Ego hodie genui te. Et filius in Patre quoque manet Joh. 14. 20. Ego in Patre sum & Pater in Me sc. per περιχώρησιν essentialem. 2. Quâ repræsentationem, nam sicut λόγῳ noster est simulachrum mentis nostræ; Ita & λόγῳ DEI est imago Patris & Character substantiæ ipsius. Col. 1. 15. Hebr. 1. 3.

Q. V. Quid per verbum vitæ intelligatur? Resp. verbum vitæ duplex esse, aliud 1. παρορμηκὸν, quod nil aliud est, quam verbum Evangelii de gratuita peccatorum remissione & vita æterna, per fidem in Christum consequendâ. Et hoc verbum expressè vocatur verbum vitæ Joh. 6. 68. 69. Hic verbum παρορμηκὸν verbum vitæ appellatur, quia per prædicationem Evangelii salus & vita æterna omnibus hominibus offertur, & in Christum credentibus confertur, & obsignatur, quod testatur Christus ipse Joh. 5. *Scrutamini scripturas* & Paulus Rom. 1. 16. *Evangelium est potentia DEI ad salutem omni credenti.* & 1. Cor. 1. 21. *Placuit DEO per stultitiam prædicationis salvos facere credentes.* Aliud verbum vitæ est Hypostaticon seu Essentiale & substantiale, quod est ipse Filius DEI, & tale verbum in præsentī loco intelligitur, quando Apostolus inquit: *Quod erat ab initio.* Quo minus vero hoc in loco verbum Evangelii prædicatum intelligatur, obstat periphrasis Apostolica, quâ verbum vitæ h. l. ita circumscriptum